

GRUP JOGN – BADIA: I Jogn vënn gherlandes d'Advënt en sabeda ai 26.11 y en dumënia ai 27.11 do Mëssa tla stüa di paurs.



Inçe chësc ann sarâl i jogn che se fistidiëia che San Micurà rodes fora por les ciases. Orun ciarè de tignì sö chësta usanza deache al foss sciode sce ala jiss pordüda. Les families che à gian la vijita de S.Micurà po se prenotè pro Pasquale nr.333/2341546.

Recordun le Rorate di Jogn en sabeda ai 26.11.2011 dales 18.00 te dlijia da La Ila che vëgn arjigné ca dai jogn da Corvara-Calfosch y La Ila cun i "PROVOXIS".



Marcé da Nadè: En domënia, ai 27.11.2011 dales 10.00 ales 17.00 a Pidrò tl Salf Laür Proteziun "La Spona". Dales 14.00 portarà dant 2 clowns momënc da rì por pici y gragn.



La Caritas dij dër Giulan a chi che à daidè, ciarié y menè demez i saç en ocajiun dla "racolta dl quant" y n Dî s'l paies por l'oferta de 1.133 € che é gnüs traç ite la dumënia dla Caritas.



En lünesc ai 21.11 complësc **Zilia Alfarei** de Parüs **83 agn**. Le Senioreclub y la Comunità de Badia ti aoda düt l'bun, sanité, ligrëza y benedisciun de Dî.

Stüdafüch de Badia: En sabeda ai 26.11.2011 dales 08.30 ales 12.00, sarâl la poscibilitè de condüje te magazin di stüdafüch de Badia i destodadus (polver, scala o CO²) por le control scrit dant dala lege. I stüdafüch y na dita specialisada piarà do i destodadus, che an podarà spo indô ji a se tó do ca. 1 ora. Chësc ne n'è nia ma n sorvisc di stüdafüch ala comunité mo inçe n intervënt de prevenziun cuntra le medefüch!

* * * * *

Festa d'onur por le volontariat: Le Comun de Badia inviëia düc i voluntars, inçe chi che fej volontariat y n'è nia te na uniun o associazion a na festa de reconoscimënt en sabeda, ai 26.11.2011 dales 16.00 te Ciasa de Cultura a La Ila.

Ai 29.11.2011 va la Uniun Patrones Badia en gita al Chiemsee. An po ciamò se prenotè pro Gabi (339/6009096) cina ai 20.11.2011.



Usc dla Cüra **BADIA**

Tel./Fax 0471 839571 E-Mail: parrocchiabadia@libero.it

Nr. 52

Edema: 20.11. - 27.11.2011

Cristo è Re, ma il suo regno è quello dei cuori. E la sua terra è lo spazio in cui cresce l'albero della pace.

Vangele dla Dumënia che vëgn:

I° DOMENICA DI AVVENTO / B

Dal Vangelo secondo Mc. 13, 33-37

In quel tempo, Gesù disse ai suoi discepoli: «Fate attenzione, vegliate, perché non sapete quando è il momento. È come un uomo, che è partito dopo aver lasciato la propria casa e dato il potere ai suoi servi, a ciascuno il suo compito, e ha ordinato al portiere di vegliare. Vegliate dunque: voi non sapete quando il padrone di casa ritornerà, se alla sera o a mezzanotte o al canto del gallo o al mattino; fate in modo che, giungendo all'improvviso, non vi trovi addormentati. Quello che dico a voi, lo dico a tutti: vegliate!».



Erster Adventssonntag / B

Es ist wie mit einem Mann, der sein Haus verließ, um auf Reisen zu gehen: Er übertrug alle Verantwortung seinen Knechten, jedem eine bestimmte Aufgabe; dem Türhüter trug er auf zu wachen. Wacht also! Denn ihr wisst nicht, wann der Hausherr kommt, ob abends oder um Mitternacht, ob beim Hahnenschrei oder erst am Morgen.

FUNZIUNS SACRES

20.11. FESTA DE CRISTO RE - *Dumènia de S. Zezilia*

18.00 †to Guido Dapunt
†to Alfonso Irsara
fam. Paola Frena Pitscheider

21.11. Lünesc - (mèssa cun i crejimà)

19.30 †ta Maria Pitscheider da Ruac
†ti Teresa y Iosafat Pitscheider - aniversar.
†to Serafino Ploner



22.11. Mertesc - **degüna S. Mèssa.**

23.11. Mercui - S. Clemes, S. Columban

07.25 †ta Maria Pizzinini Crazzolarà - aniversar.
†ti Bertuolo
†ti Hermann y Antonia Nagler

24.11. Jöbia - **degüna S. Mèssa.**

25.11. Vëndres - S.ta Tarina

07.25 †to Ilario Valentin
†ti Linert, Bernadetta Pescoll y Rosina Frenademetz
ad int. de Maria Glira en onur de S. U. Freinademetz

26.11. Sabeda -

19.30 RORATE por KVW y families
†to Pasquale Irsara - aniversar.
†ta Rosina Declara Pizzinini
†to Otto Pizzinini




27.11. I° DUMÈNIA de ADVÈNT / ANN - B

10.00 RORATE por la Uniun di Èi

18.00 †ti Angelo y Tarina Costa y Siur H. Videsott
por fam. Sandro Costa
por families de Maria Nagler Valentini

Dala VITA dla CÛRA



N gran bel giulan: En ocasiun dla **Festa de S. Zezilia**, Santa dla **Musica Sacra**, oressi ti dì a düc i **ciantadus/ciantarines**, a düc i **musicontri** n gran bel **GIULAN** y Dî s'l paies.

I savun da aprijé ci che dotes chëstes porsones fej por nosta comunité dla Cöra y dl paisc de Badia con le laür dles proes y les gran bries cis da abeli nostes festes de dlijia. Ci foss pa nostes festes de dlijia, nostes mësses y prozesciuns, nosta vita sënza le ciantè y sonè, sënza la bela musiga?


N gran bel giulan al **Cor de dlijia** (organist y dirighënta), ala **Musiga de Badia** (presidënt y dirighënt), al **Cor di Èi**, ai grups **Kerygma, Philia y Kyrios**, a düc i atri ciantadus y sonadus y a düc i **benefaturs**.



ADVÈNT - RORATE : Al mèt präsc man l'Advënt, tēmp de preparaziun al Nadè. Un plö poscibilitès da s'arjigné ca, personalmënter y deboriada tla Comunité de Cöra. Inçe le **Rorate** é na bela tradiziun y n impēgn da gnì dé por dé y inçe uniun por uniun. I se aspetun dër tröc y periun de fà beles y sintides chëstes Mësses cun le ciantè y perié. Orun inçe coltivé i **simboi y rituai** de chësc tēmp de grazia. Al prüm Rorate dla sabeda 26.11 po-dunse inçe portè les gherlandes d'Advënt a lascè benedì.

I Rorate sarà dagnëra da sëra dales **19.30** (ma la **prüma dumènia da duman dales 10.00**). Mertesc y jöbia degun Rorate y dailò gnarâl tigni da duman dales 07.25 les "laudes". En vëndres ai 16.12 fajunse la **Litur-gia Penitenziala** .

Siur Degan



Le grup de **Legio Maria** se abina indò en jöbia ai 24.11.2011 dales 14.00 ales 15.00 tla bela capela de calonia. Düc chi che à dlaurela é dër bel invià a tó pert.

PREPARAZIUN ala Prüma S.COMUNIUN: I geniturs di mituns che jarà d'aisciüda ala 1. Santa Comuniun é invià a na incuntada en mertesc ai 22.11.2011 dales 20.00 te scola elementara.



La lista nöia di **LETURS** dal 27.11.2011 al 01.01.2012 cun l'foliet dles Letüres dla Dumènia é da ciafè te sacrestia.

I libri dl Dr.Franz.Vittur sön "**La cüra d'animes y i proi dla valada**" y sön "**Les vocaziuns dles monies y di fredesc laics dl decanat**" vëgn partïs fora y po gnì cumprà chësta dumènia ai 20.11.2011 do Mèssa.